



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. V. De Executione Sententiæ.

[urn:nbn:de:hbz:466:1-74990](#)

Abb. n. 13. Vivian. in Ration. Gonzal. n. 7. Barbol. n. 1. & seqq. Laym. n. 3. Pith. n. 91. & seqq. Sann. c. 4. n. 3. Ratio est, quia Papa concedens gratiam posteriorem, nunquam præsumitur velle præjudicare gratia prius concessæ, eamque revocare; sed potius præsumitur circumventus ab impretrante, & quod ob multitudinem negotiorum non potuerit recordari sententia à se prius latæ. Estque hæc Præsumptio Juris, & de Jure, ita, ut probatio in contrarium non admittatur, ut notat Innoc. in c. cit. V. circumventus. Hofst. V. eod. Pith. n. 93. Et locum habet, etiamsi Rescriptum gratia datum sit motu proprio; quia Motus proprius non confirmat gratiam contra præsumptam intentionem concedentis, ut tradit Abb. l. cit. n. 15. Laym. n. 3. præterim si posterior concessio tendat in præjudicium alterius. Idem dicendum notat Barbol. l. cit. n. 2. de revocatione Sententia Interlocutoria, facta ab alio inferiore Judge; nam etiæ Judge, ut n.

36. dictum est, Interlocutoriam suam revocare possit, in dubio tamen, si proferat secundam sententiam contrariam primæ, & hujus mentionem non faciat, non censetur primam revocare, sed magis oblivio præsumitur, quam revocatio.

5. Sententia Definitiva ritè, ac justè lata à Superiore confirmanda est, si id petatur. Hofst. in Summ. hic n. 7. Vivian. in c. ea que 4. eod. in Ration. Barbol. ibid. n. 1. Pith. hic n. 87. & sumitur ex c. cit. Excipitur, si iniqua sententia esset; tunc enim Judge appellatio non confirmare, sed retractare eandem debet. Oportet tamen injustitiam Sententia esse certam: nam si dubia sit, neque in Judicio posteriore Appellationis afferantur probationes, qua dubium tollant, præsumptio est pro priore sententia; quia semper pro hac standum est, donec de ejus injustitia constet. Gloss. fin. in c. causam 14. in fin. Pith. hic n. 89. & seqq.

§. V.

De Executione Sententie.

SUMMARIUM.

93. Quid sit Executio, & quæ ejus necessitas?
 94. A quo fieri debent?
 95. An etiam à Delegato, & Arbitris?
 96. 97. Quis exequi sententiam debeat, quando est appellatum?
 98. Quando executioni mandanda sententia in actionibus criminalibus, & realibus?
 99. Quando in Actionibus, & debitibus personalibus?
 100. 101. In quem, & in cujus bona fieri executio debeat?

102. 103. Quo modo, & ordine?
 104. An cui commissa est executio, possit admittere Exceptiones adversis executionem sententie?
 105. 106. Utrum Executor meritis teneatur exequi sententiam, quam scit esse injustam?
 107. An tertius interveniens pro suo interesse possit impedire executionem sententie in alios latentes?
 108. 109. An is, contra quem late sunt tres sententiae conformes, admitti debeat ad agendum de nullitate ipsarum?

& ore tantum addicitur; at in Executione ipso facto præstatur.

Quoad necessitatem illius distinguendum est inter Sententiam condemnatoriam, & absolucionem; nam in priore opus executione est, non in posteriore, quoad rem principaliter petitam, & in Judicium deductam: & ratio est; quia reus absolutus id super quo contendebat in Judicio, jam habet, & adversis actoris impeditio imposturum. Exceptione rei judicata satis defenditur, ut proinde Judicis factio non sit opus. Excipitur, quando reus non tantum in Judicio absolutus, sed simul actor in expensis condemnatus est; quoad has enim etiam opus executione habet. Vide Gaill. l. 1. obs. 113. n. 18.

Quæritur 2. à quo fieri executio debet? n. non potest fieri ab ipso victore, sed debet fieri à Judge, qui Sententiam tulit, si quidem Ordinarius sit.

Dixi 1. quod non possit fieri à Victor per l. miles 6. §. qui judicati z. ff. de re judic.

Mmm 3 ubi

ubi is, qui sententiæ executionem propria auctoritate attentat, *actione furti*, & vi bōnorū raptorū tenetur. Ratio prohibitio- nis justissima fuit, quia periculum est, ne si pars viatrix rem adjudicatam propria auctoritate sibi vindicaret, pars vieta ei resistat, sīcque ad manus, rixas, & digladiationes ve- niatur.

Dixi 2. quid debet fieri à Judice, qui sententiam tulit; quibus enim causæ cognitio à Lege, sive Jure commissa est, ut Judicibus ordinarijs, qui à Lege sunt constituti, his executionem commissam esse censi debet, cùm Jurisdictione sine aliqua coercitione nulla sit l. fin. ff. de offic. ejus, cui mandat. est Juris. Neque obstat, quid post pronunciationem Sententiæ cesseret officium Judicis; nam solum mercenarium ejus officium cessat, quod actioni deseruit, nobile autem permanet, neque eo Judex unquam defungi potest, ut notat Mynsing. Inst. de Offic. Jud. ad Rubr. n. 6.

95 Dixi 3. siquidem sit Ordinarius; nam in Delegatis aliqui distinguunt inter Delegatum à Papa, Principe, vel alio Magistratu Supremo, & inter Delegatum à Magistratu, & Judice inferiore. Priori affirmant executionem sententiæ à se latae competere; de posterioribus negant, secluso speciali mandato. Ego Libr. 1. Tit. 29. n. 37. sensi cum affirmantibus, quorum Sententiam non leviter confirmat textus c. præterea 5. de Offic. deleg. ubi indefinitè pronuntiatur, eum, cui causa committitur, super omnibus, que ad causam ipsam spectare noscuntur, plenariam recipere potestatem.

Aliud est de Arbitris Compromissariis, qui à partibus eliguntur, & de Arbitris Juris, qui à Judice Ordinario cum partium consensu constituuntur; nam hi solum dati consentur ad pronuntiandum: adeoque pronuntiatione facta, extinguuntur illorum officium; & hinc executio eo casu fieri debet ab Ordinario Judice, ut dictum est Libr. 1. Tit. 43. n. 42. & colligit ex l. à Divo Pio 15. princ. ff. de re judic. ubi Judicūm à se datorum, vel arbitrorum sententiam exequi jubentur Magistratus Ordinarij, qui eos dede- runt.

96 Quæritur 3. quis exequi Sententiam debet, quando est appellatum? R. distinguendo: vel enim Sententia in prima instantia lata reformatur, quid malè judicatum, bene appellatum sit, vel contra eadem Sententia per Judicem Appellationis confirmatur.

Si primum, vix est, qui inficias eat, eo casu executionem Sententiæ in secunda instantia lata, quā prima reformatur, pertinere ad Judicem Appellationis. Durand. Specul. tit. de execut. sent. S. 2. n. 10. Berlich. Pract. concl. 79. n. 7. Haun. tom. 5. de J. & J. tr. 5. n. 534. Wiest. hic n. 123.

Si secundum, communis, & probata

Sententia distinguit inter casum, quo sententia primæ instantiæ solum confirmatur tacite & ipso facto, pronuntiando sc. fatalia esse lapſa, aut appellationem desertam; & inter casum, quo Judex Appellationis, meritis causa excusilis, malè appellatum, & à Judice, qui Sententiam tulit, bene judicatum, expreſſe pronuntiat.

Si prius, executionem Judici à quo 97 competere, haud gravare concedunt DD. hoc ipso enim, quod Judex ad quem pronuntiet, appellationem desertam, aut fatalia praterlapſa esse, per consequens fatetur, Jurisdictionem, à qua potestas exequendi dependet, non ad se devolutam, sed penes Judicem à quo remansisse, non fecus, acsi appellatum non esset l. fin. §. illud 4. C. de tempor. appell.

Si posterius, Judex ad quem sententiam suam confirmatoriam exequi ipse potest l. præcipimus 32. §. illud 2. C. de appellat. & Auth. siquis C. de Episc. audient. Marant. de Ordin. Judic. p. 6. ad 3. n. 7. Mynsing. cent. 5. obs. 9. n. 2. Farin. prax. q. 34. n. 115. Hil- trop. p. 4. tit. 18. de execut. sent. n. 46. Berlich. l. cit. n. 8. Brunnem. in l. præcipimus cit. n. 4. Haun. tr. 5. cit. n. 537. P. Wiest. hic n. 124. P. Schmier Proces. c. 16. n. 165. Ratio est, quia per Appellationem, ejus suscep- tione, & decisionem Jurisdictione Judicis à quo suspenditur, & ad Judicem ad quem devolvitur, ut proinde exequendi facultas non illi, sed huic competit.

Quæritur 4. quando Executioni man- 98 danda sit Sententia lata? R. distinctionem faciendam inter causas, & actiones criminales, & civiles, & inter has, an personales sint, an vero reales; nam l. in causis, & actionibus criminalibus, si reus sit condemnatus ad poenam, saltem corporalem, executio statim fieri potest, neque necesse est, ut lapsus decendij, quod Jure com- muni ad appellandum concessum est, expec- tetur l. cum reis 18. C. de poenis, & docet Bartol. in l. qui ultimo 29. n. 7. ff. eod. Laym. in c. quærenti 26. de offic. deleg. n. 2. Gonzal. in c. 15. h. tit. n. 12. in fin. Wagn. in c. 2. eod. not. 2. Wiest. hic n. 127.

2. In actionibus realibus executioni man- dari sententiæ deber, quamprimum illa trans- fierit in rem judicatam, sc. post decendum §. et si in rem 2. Inst. de offic. Judic. & i qui restituere 68. ff. de R. V. Ratio est, quia dum titulus, & bona fides possessoris est resoluta, jus nullum suppetit, quo rem ulterius retinere, vel possidere, aut fractus ex ea colligere valeat. Neque sufficit dare pignus, etiam quod sit multo majoris valoris, quam sit res, vel pos- sessio adjudicata, sed condemnatus debet compelli ad rem ipsam petitori reddendam c. cum aliquibus 6. b. t. & notat ibid. Barbos. cum alijs: idque meritò; quia dans pignora non intelligitur solvere; nec invito alieui aliud, quantumcunque in se utilius prez-

præstari pro alio potest. *Excipitur*, si possessor statim restituere nequeat; tunc enim assignabitur ipsi terminus, intra quem restituere debeat, ita tamen, ut interim sufficienter caveat per fidejussiones, vel pignora de restituenda re, vel ejus estimatione §. si ad exhibendam 3. Inst. de Offic. Judic. Gloss. in c. querenti 26. de Offic. deleg. V. quadriremestre, Laym. ibid. n. 2. Perez. C. de Usur. rei judic. Pirk. n. 101. Wiest. n. 125.

99 3. In actionibus, & debitis personalibus tempus à Jure definitum est quadriremestre, quod condemnato ad solvendum conceditur c. quod ad consultationem 15. b. tit. c. querenti 26. de offic. deleg. l. eos qui 2. & l. sanctissimus 3. princ. C. de usur. rei judic. Laym. in c. 6. b. t. n. 2. & in c. 15. eod. n. 4. Pax Jordan. l. 14. tit. 25. n. 285. Sannig c. 4. hic n. 7. Wiest. n. 126. Ratio est, quia non semper ad manum est pecunia, sicut res in Judicio petita: & ideo non tam citò pecunia, quam res petita præstari potest. Numeratur hoc tempus à die latè sententiae, vel si ab ea appellatum sit, à die confirmationis prioris sententiae l. eos qui cit. Potest tamen Juxta hoc tempus abbreviare, vel extendere c. quod ad consultationem cit. junct. Gloss. V. ardari. sed abbreviare non debet sine justa causa; quia indulsum à Jure beneficium non est alicui auferendum, ut dicitur Reg. 17. in 6.

Addidi, *Quod condemnato ad solvendum conceditur*; nam si vietus in actione personali non ad solutionem debiti, seu quantitatis, sed ad præstationem speciei est condemnatus, e. g. ut rem emptam, donata &c. tradat, intervallum quatuor mensium non conceditur, ut cum Brunnem. Process. c. 29. n. 7. advertit R. P. Schmier Process. c. 16. n. 186. Imò etiam quando condemnatus est ad solutionem debiti, terminus condemnato nullus concedendus est pro solutione in triplici casu. 1. Si conveniens sit ex maleficio. 2. Si pecuniam in continentia paratam condemnatus habeat. 3. Si periculum in mora sit l. debitoribus 31. ff. de re judic.

100 Quæritur 5. in quem, & in cuius bona executio fieri debeat? 1. decernitur in personam, aut res illius, qui per Sententiam vietus est, si non alieno, sed proprio nomine litigavit l. si se 4. ff. de re judic.

Hinc executionem in proprijs bonis non formidant. 1. *Procurator*, aut *defensor*, nisi vel litti se obtulerit, vel procurator in rem suam extiterit. l. si se cit. Brunnem. Process. c. 29. n. 26. 2. *Tutor*, & *Curator*, utpote qui non spontanea voluntate, sed officij necessitate item in commodum pupilli, vel minoris subeunt. l. si se cit. §. tutor 1. & ibi Brunnem. n. 2. 3. *Syndicus*; cum enim iste pro Universitate ex officio litiget, executio contra Universitatem decernitur l. si se cit. §. actor 2. & ibi Brunnem n. 3.

101 Contra actione judicati conveniri po-

test. 1. *heres*; quia hic universaliter in Jura activa, & passiva defuncti succedit. Umius ad Process. D. 23. tb. 1. n. 8. & patet ex l. ex contractu 44. ff. de re judic. 2. *Fidejussionis*, si satisdedit de judicato solvendo. Brunnem. in l. fin. C. de Usur. rei judic. n. 8. Umius l. cit. n. 9. Rosbach. prax. Civil. tit. 39. n. 11. P. Schmier c. 16. cit. n. 175. 3. *Emptor rei litigiosae*; nam condemnato principali, executio in emptorem, in quem pendente lite res litigiosa alienata est, etiam processu novo non instituto, fieri potest, ut alijs citt. notat Gaill. l. 1. obs. 118. n. 2. & rationem dat, quia alienatio rei litigiosae est ipso Jure prohibita, & iniquum foret tali casu actorem diversis fatigari Judicis. Procediturque hoc, ut idem Gaill. l. cit. alijs allegatis notat, etiam contra eum, qui ignorantia rem litigiosam accepit; nam etsi ignorantia excusat à culpa, vitium tamen litigiosi non tollit.

Quæritur 6. in quibus rebus fieri Executio debeat? 1. fieri debet in ea re, ad quam tradendam, vel restituendam condemnatus est c. cum aliquibus 6. b. tit. quia facienda est secundum Judicis condemnationem l. si se 4. §. ait prator 3. ff. de Re judic. Neque enim æquitati, vel Juri convenit, ut aliud pro alio creditori invito solvatur l. mutuum 2. §. mutui 1. ff. de reb. credit. Unde si certa species, e. g. fundus, equus, annulus &c. sit petita, & adjudicata, neque reus, ut aliud solvat, neque actor, ut aliud accipiat, compelli potest.

Excipitur, si res in condemnationem deducta non amplius extet, vel tradi non possit; tum enim reddere condemnatus viatori debet estimationem illius. Quodsi verò nec istam reus actori reddere potest ob defectum pecuniae, aut vult ob contumaciam, Executio fieri in cætera ejus bona, ita tamen, ut quantum fieri potest, ad eam procedatur cum minori ejusdem damno.

Et hinc 1. res ejus mobiles, séque 102 moventes oppignorandæ, vel distrahendæ, aut si emptor non inveniatur, creditori pro quantitate debiti adjudicandæ l. à Divo Pio 15. §. in venditione 2. ff. de re judic. quod mobilem, séque moventium plerumque facilior, minùsque damnostra sit distraçcio, quam immobilem. *Excipiuntur vestes*, lectisternia, instrumenta agriculturæ, vel artificij, libri studiosorum &c. hæc enim non auferranda æquitas suader, quandiu ex rebus alijs viatori consuli potest Rosbach. prax. Civil. tit. 39. n. 11. Struv. Exercit. 44. tb. 18. Engl. hic n. 28. Schmier Process. c. 16. n. 180.

2. Si res mobiles non sufficient, deveniendum est ad immobilia §. in venditione cit. & primò quidem ad minus pretiosa, tum verò, si istorum pretium excedat quantitas debiti, ad magis pretiosa. Wiest. hic n. 130. Ubi duo sunt adverenda. Primum est, ad res pretiosiores non statim deveniendum
Mmm 3
esse,

esse, sed considerandam debiti quantitatem; iniquum etenim foret pro modico debito hujusmodi res pretiosas debitoris distrahi cum gravi damno debitoris. Haun. tom. 5. tr. 5. num. 583. Alterum ex plurium sententia executionem fieri non posse in Bonis feudalibus, Emphyteuticarijs, Fideicommissarijs, & similibus; quia sicut alienari, ita victori solutionis loco cedi, vel addici non possunt. Unius th. 2. cit. n. 15.

3. Si res etiam immobiles vel nullae, vel ad debiti omnimodam extinctionem sufficientes non sint, pervenitur ad Jura, chirographa, & Instrumenta obligationum; vel denuntiatur debitori debitoris, ne huic solvat arg. l. nomen 4. C. que res pign. oblig. poss.

4. Denique si reus nihil penitus in bonis habeat, aut non tantum, quantum exigere quantitas debiti, procedet tritum illud: Qui non habet in ore, luat in cute, ut sc. addicendo operas suas creditori carundem impendio obligationem expungat.

²⁰⁴ Quaritur 7. an, cui commissa est executione, potest admittere Exceptiones oppositas contra executionem sententiae, & de ijs cognoscere? 1. distinguendum inter Executorem merum, & Mixtum. Merus est, cui nulla cognitione, sed sola executio causa jam plene cognita, & decisae committitur. Mixtus est, cui non mera executio, sed etiam cognitione de facienda executione committitur.

Posterior admittere potest exceptiones, quæ solum tendunt ad impedientiam, aut retardandam executionem, & de his prouintiare; at de executionibus, quæ merita cause concernunt, vel directè impugnant sententiam, etiæ summarie executor posse cognoscere, ut si frivoles esse cognoverit, illas rejiciat, si tamen ratione nixas repererit, plenam de illis cognitionem remittere debet ad Superiorum, & interim executione sententiae supersedere, ut colligitur ex l. si Prætor 75 ff. de Judic. Ratio est, quia alias Judex inferior posset rescindere sententiam Superioris, quod est absurdum. Bartol. in l. cit. n. 9. Gaill. l. 1. obs. 113. n. 8. Laym. in c. 5. b. tit. n. 1. Excipitur, si sententia Arbitri, aut Delegati sui sit executioni danda ab ipso Judice Ordinario; nam hoc casu, & quotiescumque alias ad ipsum recurritur pro executione, tanquam ad eum, qui majorem, aut superiorum Jurisdictionem habet, cognoscere potest de exceptionibus, etiam, ut negotium definit, & sententiam, si nullam illam repererit, rescindat per modum restitutionis in integrum, ut alijs citt. advertit Laym. l. cit. n. 3.

²⁰⁵ Prioris generis Executor, seu Merus nullas Exceptiones potest admittere, nec de illis cognoscere l. si ut proponis 6. & l. executorem 8. C. de execut. rei judic. Gloss. fin. in c. 5. b. tit. Felin. ibid. n. 4. Barb. n. 1. & seqq. Gaill. l. 1. obs. 113. n. 7. Pirk. bie

n. 108. Ratio est, quia iste videtur se habere, ut merus minister, & nuntius, cui sola facti executio demandata est. Idque procedit, tametsi executor sententiam à Judice latam sciat esse injustam; nam posteaquam illa in rem judicatam abiit, exequi eam debet, cum jus inter partes ortum sit, ut constat ex c. pastoralis 28. S. quia vero de Offic. deleg. & notant Abb. in c. 5. cit. n. 4. in fin. Laym. n. 4. cit. cum reliquis suprà.

Plures tamen facienda sunt Exceptiones, in quibus Executor merus exequi non tenetur sententiam, quam ipse scit injustam esse. Et talis est 1. si lata sit in causa criminali, in qua agitur de occidente, vel mutilatione innocentis; quia occidere innocentem est intrinsecè malum, adeoque nec executori permisum. Abb. in c. 5. cit. n. 5. Laym. n. 5. ibid. Pirk. bie n. 109. 2. si lata sit in causa Civili quidem, sed nulliter, & hoc sit certum; quia tunc non transit in rem judicatam, & cons. executioni dari non potest l. si se 4. §. condemnatum 6. ff. de rejudic. Abb. n. 5. cit. Laym. n. 6. Barbol. n. 7. Pirk. num. 109. 3. si sit injusta quidem, sed tamen valida: ubi tamen non omnino convenient DD.

Nam Gloss. in c. pastoralis cit. §. quia 106 vero V. etiæ sciat, Abb. ibid. n. 5. Laym. prope finem universaliter docent, eo casu Executorem merum, si onus impositum declinare non possit, nec etiam tanquam gravatus ad Superiorum facile appellare, exequi sententiam talem posse. Rationem dant, quia veleni Jure debitum est, ut sententia, quæ in rem judicatam transfiratur, executioni detur; & condemnatus aliud habeat remedium, agendo videlicet contra Judicem ad resarcendum damnum illatum.

Ego cum Pirk. num. 109. cit. utor distinctione inter sententiam, quæ materialiter solum, & inter eam, quæ formaliter injusta est. Si materialiter solum injusta sit, eo quod Judex eam ferendo secundum allegata, & probata processerit, tunc Executor, saltem in causa Civili, sententiam ejusmodi, nisi facile errorem demonstrare possit, recte, ac licite exequitur, in modo debet exequi, si Superior præcipiat. Ratio est, quia tam Judex, quam executor, tanquam persona publica operari debent secundum scientiam publicam. cum ergo scientia, quam habet inferior, sit merè privata, non excusat, quo minus obediens debeat in publico ministerio Superiori præcipienti.

At si sententia lata sit formaliter injusta, quia Judex non processit secundum allegata, & probata, sed ex imperitia, vel dolito judicavit, tunc Executor, si hoc eidem certum sit, nec debet, nec potest talem sententiam exequi; quia tunc cessat præsumptio pro Justitia sententiae; neque tali casu executor parens sententiae excusari posset à co-operatione injusta.

Quæ-

107 Quaritur 3. an tertius interveniens pro suo interesse possit impedire Executionem sententiae inter alios latæ? **q.** distinguendo, an tertius ille intra tempus legitimum appellari à sententia, vel non. **S. primum**, executio Sententiae impeditur, donec etiam hujus causa, qui ob interesse suum appellavit, cognita sit, & decisa c. cum super 17. b. tit. Laym. ibid. n. 1. & 4. Gonzal. n. 6. & seqq. Barbos. n. 5. Pirk. hic n. 112. Ratio datur c. cit. quia res inter alios acta regulariter alijs nocere non debet.

Si secundum, & tertius ille intra 10. dies non appellavit, vel postquam appellavit, rationabilem causam appellandi nequit ostendere, attendendum est, an scierit, vel ignoraverit causam agi, & sententiam latam esse.

Si ignoravit, sententia executioni danda non est, nec præjudicat tertio; quia ob ignorantiam, etiamsi non appellari à sententia, quam ignoravit latam esse, potest impedire ejus executionem.

Si vero scivit, executio sententiae fieri debet, ita tamen, ut integrum ipsi sit causam suam deducere in Judicium, si velet, ut colligitur ex c. cum super cit. & notat Gloss. ibid. V. non noceat. Joan. Andr. n. 11. Imol. n. 2. Laym. n. 5. Barbos. n. 8. Pirk. hic n. 112. Ratio est, quia sibi imputare debet, quod sciens permisit causam agi, sententiam ferri, & in rem judicatum transire.

108 Quaritur 9. an is, contra quem in aliqua causa tres sententiae conformes sunt latæ, admitti debeat ad agendum de nullitate ipsarum, vel alicuius ex illis, antequam sententiae hujusmodi plenè fuerint executioni mandata? **q.** negativè; sed priùs executio fieri debet, post quam integrum erit

condemnato agere de nullitate sententiarum. Constat ex Clem. 1. b. tit. & docet ibid. Vivian. in ration. Barb. n. 1. Wagn. in Simm. Pirk. hic n. 114. Ratio est, ut, quemadmodum Clem. cit. princ. dicitur, occurrat calumnijs litigantium; cum enim illi, contra quos tres sententiae conformes sunt latæ, non possint tertio appellare, sape dicent, sententias latas nullas esse, ut lites protraherent in infinitum, & impeditent eorum executionem: sicutque per viam nullitatis obtinerent, quod negatur per viam appellationis.

Estque hoc verum etiam 1. in causa 109 criminali; nam etiam in hac executio fieri debet, antequam agatur de nullitate sententiarum, si tamen latæ sit in causa criminali, in qua executio retrahari possit, ut si reus condemnatus sit ad poenam pecuniariam; alias priùs agi de nullitate debet, quam fiat executio, utpote cum post executionem frustra ageretur ad nullitatem. Pirk. n. 115. hic. Extenditur 2. etiamsi tres illæ sententiae fuissent Interlocutoria tantum, modò latæ sint super ijsdem articulis. Wagn. in Clem. 1. cit. in exeg. Pirk. hic n. 115. & 116. quia in Clem. cit. inter Definitivam, & Interlocutoriam non distinguitur. Extenditur 3. etiam ad causas pendentes per appellationem; nam etiam appellatione pendente, sit executio, quamvis ista, si à Judice appellationis pronuntietur bene esse appellatum, executio sententia revocetur. Pirk. n. 116. cit.

Addenda tamen his ampliationibus est triplex limitatio. 1. si tertius opponat pro interesse suo de nullitate sententiae, & executionem trium sententiarum conformium velit impedire. 2. si vîctor est passus, ut per victimum probetur nullitas. 3. si nullitas sententiae sit notoria.

S. VI.

De Pœna Judicis male judicantis, & Partium temere litigantium.

SUMMARIUM.

110. 111. Pœna Judicis male judicantis Jure Civili.

112. Jure Canonico.

113. Triplex pœna temere litigantis.

114. In quas expensas condemnari debeat temerarius litigator?

115. Quis hoc nomine intelligatur?

116. Ad quos porrigitur hæc pœna?

117. An etiam ad eum, qui vîctus quidem est, sed habuit justam causam litigandi?

118. Que tales cause censeantur esse?

119. Quando etiam justam litigandi causam habens in expensas sit condemnandus?

120 Quaritur 1. quæ sit pœna Judicis male judicantis? **q.** distinguendum hic esse, an male judicari dolo, & malitia suâ, an ve-

rò per imprudentiam, aut imperitiā, pue-
tans se recte judicare.

Si primum, multum interest, an male

jude-